

MAGSINATI, MAGPAHIMULOS, UG MAGPADAYAG NI CRISTO

(1)

MAHINUNG DANONG MGA PAMAHAYAG

Nianhi si Cristo aron mangalagad ingog Mananambal,
aron moayo, mopahiuli, mopabuhi, ug moluwas nato
aron maumol ta pag-usab ug mahimong bag-o ug langitnong
mga lungsoranon Niya, nga kaestablisaran Niya
sa Iyang langitnong gingharian ning yutang nadaot.

Makaila, makasinati, ug manghimatuod
gyod unta ta nga ang gingharian sa Dios mao ang gahom
nga mobuntog sa pagsupil ug mao ang pagkausab sa dagway
ni Ginoong Jesus.

Si Cristo nga Pulong sa Dios namulong alang sa Dios
pinaagi sa pagkahimo Niyang hagdan nga nagdala sa langit (Dios)
nganhi sa yuta (tawo) ug nagdugtong ug nagpausa sa yuta (tawo)
ngadto sa langit (Dios) alang sa balay sa Dios.

Maingon nga ang Diosnong Trinidad maoy dugokan
sa tibuok Bag-ong Tugon, busa ang Diosnong Trinidad
maoy estruktura sa basahon sa Mga Buhat;
nagpadayag ang matag capitulo sa Mga Buhat
sa pagbuhat sa Diosnong Trinidad
aron matuman ang pamatigayon sa Dios
sa Bag-ong Tugon.

MAGSINATI, MAGPAHIMULOS, UG MAGPADAYAG NI CRISTO (1)

Mensahe 1

**Si Cristo nga Dakong Kahayag, ang Dunay Pagbulot-an,
ang Mananambal, ang Pamanhonon, ang Panaptong Wala pa Kahumoli,
ug ang Bag-ong Bino**

Basahong Kasulatan: Mat. 4:16; 8:5-13; 9:9-17

I. Si Cristo ang dakong kahayag nga naghayag sa mga tawong nanglingkod sa kangitngit ug nisubang sa mga nanglingkod sa dapit ug landong sa kamatayon—Mat. 4:16; Juan 1:4-5; 12:36; Efe. 5:8; Col. 1:12-13; 2 Cor. 4:6-7; Buh. 26:18:

- A. “Tungod sa maluluy-ong mga puangod sa atong Dios, nga moduaw nato gikan sa itaas ang nisilang nga Adlaw, aron mag-iwag sa mga nanglingkod sa kangitngitan ug sa landong sa kamatayon, aron maggiya sa atong mga tiil ngadto sa dalan sa kalinaw”—Luc. 1:78-79; 6:36; Lam. 3:22-23.
- B. “Mosubang nganha ninyo nga nahadlok sa Akong ngalan ang Adlaw sa pagkamatarong nga may pag-ayo diha sa Iyang mga pako, ug manggula mo ug magluksolukso sama sa mga nating baka nga gilawgan pag-ayo”—Mal. 4:2; Sal. 84:11; 86:11.
- C. “Segun sa lagsaw nga baye sa kadlawon” ang Salmo 22—ulohan.
- D. “Masama unta sa Adlaw kadtong nahigugma Niya / Inigsubang niini sa kakusog niini”—Huk. 5:31b; Isa. 60:1, 5a.
- E. “Ang agianan sa matarong sama sa banagbanag sa kadlawon, / Nga nag-anam kasanag hangtod sa pagkahingpit sa adlaw”—Prov. 4:18; Fil. 2:15-16a.
- F. “Unya magmasanagon ang mga matarong sama sa Adlaw sa gingharian sa ilang Amahan”—Mat. 13:43a.

II. Nakita sa kapitan nga dunay pagbulot-an ang Ginoo kay tawo man Siya nga ilalom sa pagbulot-an—8:5-13:

- A. Nakaila ang kapitan nga tawo nga ilalom sa pagbulot-an ang Ginoo sa pag-ingon niya nga, “Tawo sab ko nga ilalom sa pagbulot-an”; kay tawo man ang kapitan nga ilalom sa pagbulot-an, duna siyay pagbulot-an nga mosugo sa mga sakop niya—v. 9a:
 - 1. Isip Dios-tawo diha sa pagka-tawo Niya dinhi sa yuta, bug-os gyong nagpabuot si Ginoong Jesus sa diosnong kinabuhi sa Amahan—Juan 5:19; 4:34; 17:4; 14:10, 24; 5:30; 7:18.
 - 2. Isip tawo, gisalikway Niya ang Iyang natural nga pagka-tawo ug nagkinabuhi sa tawha-nong kinabuhi nga gilimitihan sa diosnong kinabuhi sa langitnong Amahan.
 - 3. Pinaagi sa praktikal nga pagpabuot sa diosnong kinabuhi sa Amahan, naghari Siya sa kinabuhi—Fil. 2:8-11.
 - 4. Kay tawo man Siya nga ilalom sa pagbulot-an sa Amahan, duna Siyay pagbulot-an sa Amahan.
 - 5. Kon duna tay tin-awng langit sama sa makalilisang nga kristal (maayo ug putling konsensya), nga walay nakaulang tali nato ug sa Ginoo, mapuno ta sa langitnong sitwasyon, kahimtangan ug kahimtang sa nagbuot nga presensya sa Ginoo aron maghari sa kinabuhi pinaagi sa grasya nga naghari sa sulod nato—Ezeq. 1:22, 26; Bug. 22:1; Rom. 5:17, 21; Heb. 4:16; itandi sa Col. 1:13.
- B. Nakaila ang kapitan sa pagbulot-an ni Ginoong Jesus—Mat. 8:9:
 - 1. Sa bahin sa Ginoo, gigamit ang Iyang pagbulot-an diha gyod sa Iyang pulong—v. 8.

2. Sa bahin nato, gigamit ang pagbulot-an sa Ginoo pinaagi sa pagtuo nga gipatuhop Niya kanato—vv. 10, 13, Heb. 12:2.
- C. Sa dinhi pa sa yuta si Ginoong Jesus, nanudlo Siya ingon nga dunay pagbulot-an—Mat. 7:28-29; Mar. 1:22:
 1. Walay pagbulot-an ug gahom ang nagtudlo-sa-ilang-kaugalingon nga mga escriba nga nanudlog kawang nga kajibalo sa ila rang kaugalingon—itandi sa 2 Cor. 3:6, 8.
 2. Si Ginoong Jesus, nga gihatagag pagbulot-an sa Dios nga Magtutudlo, nga nanudlo sa mga realidad pinaagi sa Dios, dili lang kay dunay espirituhanong gahom nga mobuntog sa mga tawo kondili diosnong pagbulot-an sab nga makapasakop nila sa diosnong pagbuot—Isa. 30:20-21; Mat. 23:8, 10.

III. Sa pagtawag Niya sa mga tawo aron mosunod Niya alang sa gingharian, nangalagad si Ginoong Jesus nga Hari sa langitnong gingharian ingog Mananambal—9:9-13:

- A. Subay sa pagkamatarong ang paghukom sa maghuhukom, samtang subay sa kaluoy ug grasya ang pag-ayo sa mananambal.
- B. Kon ingog Maghuhukom pa ang Ginoo nga niduaw natong makaluluoyng katawhan, hukman ug isalikway unta tang tanan, ug wala untay usa nato nga mahimong takos, mapili, ug matawag aron mahimong katawhan sa Iyang langitnong gingharian—8:2-16, 28-32; 9:2-11; Sal. 103:1-4; 107:17-22.
- C. Apan, nianhi Siya aron mangalagad ingog Mananambal, aron moayo, mopahiuli, mopabuhi, ug moluwas nato aron maumol ta pag-usab ug mahimong bag-o ug langitnong mga lungso-ranon Niya, nga kaestablisaran Niya sa Iyang langitnong gingharian ning yutang nadaot.
- D. “Walay matarong, wala bisan usa na lang (Rom. 3:10); ang tanang “matarong” pulos nagpakamatarong-sa-kaugalingon, sama sa mga Fariseo (Luc. 18:9); wala moanhi ang harianong Manluluwas aron motawag nila kondili sa mga makasasala.
- E. Isip Mananambal nato, giayo ta sa Ginoo diha gyod sa atong espiritu ug kalag, giayo ta sa espirituhanong mga balatian nato; wala magsakit ang mga maniningil og buhis sa pisikal kondili sa espiritu—Mat. 9:10, 13; Prov. 4:20-23.
- F. Sa magsinati ta ni Cristo nga gilansang sa krus ug magkinabuhi sa kinabuhing linansang sa krus, mahimong gahom nga nag-ayo nato ang nabanhawng Cristo, ug mahimong Mag-aayo nato ang Ginoo—Exo. 15:22-27.

IV. Si Cristo ang Pamanhonon nato—Mat. 9:14-15:

- A. Pulos mga tawong makalipay ang mananambal ug ang pamanhonon; giayo una sa harianong Manluluwas ang Iyang mga magsusunod ug unya gihimo silang mga higala sa pamanhonon; sa kaulahian, himoon Niya silang Iyang pangasaw-onon.
- B. Kuptan gyod nato Siya dili lang ingon nga atong Mananambal aron maulian ang atong kinabuhi, kondili atong Pamanhonon sab aron makapahimulos ta nga mabuhi sa Iyang presensya—Fil. 3:12-13.
- C. Gisugo sa Amahan ang Espiritu aron magpatahom nato sa kadato ni Cristo ug mahimong pangasaw-onon Niya—Gen. 24; Efe. 5:25-27.

V. Si Cristo ang panaptong wala pa kahumoli ug ang bag-ong bisti nato—Mat. 9:16; Luc. 5:36:

- A. Nagpasabot ang pulong *wala pa kahumoli* og “wala masudlayi, wala maalisngawi ug wala malabhi, wala mahuman, wala matrabahoi.”
- B. Ang wala pa mahumoling panapton nagtimaan ni Cristo sukad sa Iyang pagpakatawo hangtod sa pagkalansang Niya sa krus, ingon sa bag-ong panapton nga wala pa matrabahoi, wala pa mahuman, samtang ang bag-ong bisti sa Lucas 5:36 nagtimaan ni Cristo isip bag-ong kupo human Siya “matrabahoi” sa pagkalansang Niya sa krus.
- C. Si Cristo una ang panaptong wala pa mahumoli nga himoonong bag-ong bisti, unya tungod sa pagkamatay ug pagkabanhaw Niya nahimong bag-ong bisti nga motabon nato isip atong

pagkamatarong atubangan sa Dios aron matarongon ta sa Dios ug kahinangpan Niya—15:22; Gal. 3:27; 1 Cor. 1:30; Sal. 45:13-14; Bug. 19:8; Jer. 2:32.

- D. Mobitas sa bisti ang inugtapak nga panaptong wala pa mahumoli nga itapak sa daang bisti tungod sa kusog sa pagkulo niini, ug tungod niana mosamot kadako ang gisi; ang pagtapak og panaptong wala pa mahumoli sa daang bisti nagpasabot nga naningkamot ang mga tawo sa pag-awat sa gibuhay ni Cristo sa tawhanong kinabuhi Niya dinhi sa yuta nga wala motuo ni Jesus nga gilansang sa krus isip ilang Manunubos o sa nabanhaw ba nga Cristo isip ilang pagkamatarong aron matarongon sila sa Dios ug kahinangpan Niya.
- E. Ang pag-awat nila sa tawhanong pagkinabuhi ni Cristo “nagbitas” sa ilang “daang bisti,” sa ilang paggawi nga gikan sa daan, natural nga kinabuhi.
- F. Dili mobuhay niini ang katawhan sa gingharian; himoon hinuon nila si Cristo nga gilansang sa krus ug gibanhaw isip bag-ong bisti nila nga motabon nila ingon nga pagkamatarong nila atubangan sa Dios.

VI. Si Cristo ang bag-ong bino nato nga isulod sa preskong mga sudlanang panit—Mat. 9:17:

- A. Nagpasabot ang Griyegong pulong alang sa *bag-o* og “bag-o sa panahon, karon lang, bag-ong napanag-iya”:
 - 1. Nagtimaan ang bag-ong bino ni Cristo nga bag-o, makalipayng kinabuhi nga dunay makalipayng kusog nga naglig-on, nagpalagsik, ug naglipay nato pag-ayo—Huk. 9:12-13.
 - 2. Mga daang sudlanang panit ang tanang relihiyon; mobusisi sa daang mga sudlanang panit ang bag-ong binong isulod niini tungod sa kusog sa pag-aslom niini; ang pagsulod sa bag-ong bino sa daang mga sudlanang panit pagbutang man kang Cristo nga kinabuhing makapaukyab sa bisan unsang relihiyon—Mat. 9:14-15.
 - 3. Nagpasabot ang marelihiyoso nga mosimba sa Dios, moalagad sa Dios, ug mobuhay sa mga butang nga makapahimuot sa Dios apan bulag ug walay Cristo isip Espiritu—itandi sa Gal. 1:14-16a.
- B. Nagpasabot ang Griyegong pulong alang sa *presko* og “bag-o sa kinaiya, kalidad, o porma; wala mabatasan, wala magamit”:
 - 1. Ang preskong mga sudlanang panit nagtimaan sa iglesiahang kinabuhi diha sa mga iglesia lokal isip sudlanan sa bag-ong bino, nga mao si Cristo mismo nga kinabuhing makapaukyab.
 - 2. Ang usang Cristo mao ang bag-ong bino, ang kinabuhing makapaukyab sa sulod, ug ang hiniusang Cristo mao ang preskong sudlanang panit, ang dayag nga sudlanan nga sudlan sa bag-ong bino; ang hiniusang Cristo, ang iglesia, mao ang bag-ong sudlanang panit nga kasudlan sa usang Cristo nga bino:
 - a. Napuno ug naumolag Cristo ang iglesia nga pagdako ni Cristo.
 - b. Ang mga bahin nga giusa mao ang usa ka Lawas, ug kining Lawasa mao ang Cristo; si Cristo ang Ulo sa Lawas ug ang Lawas sa Ulo—1 Cor. 12:12; Buh. 9:5.
 - c. Wala mabahin si Cristo; si Cristo nga naa nimo nausa ni Cristo nga naa nako, ug si Cristo nga naa nato nausa ni Cristo nga naa sa tanang ubang Cristohanon—1 Cor. 1:10, 13a.
 - d. Busa, si Cristo ang Lawas nga hinimo sa daghan kaayong bahin nga napuno Niya; kini ang bag-ong sudlanang panit, nga mao ang iglesiahang kinabuhi nga sudlan ni Cristo nga bag-ong bino.
 - 3. Diha sa katawhan sa iglesia napahiuli na ang bag-ong bisti, bag-ong bino, ug bag-ong sudlanang panit; hiniusa tang dunay Cristo ingon nga iglesiahang kinabuhi nato, ug ang iglesia, ang sudlanang panit maoy kinasang-ang tumong sa Dios.